



ՍՆԱՆԿՈՒԹՅԱՆ ԴԱՏԱՐԱՆԻ ԱՇԽԱՏԱԿԱԶՄ

0065, ք. Երևան, Օտյան փող. 53/2 շենք, հեռ.՝ (010) 74-28-90, snank@court.am

ԴԴԱ-6 98440

06.10.2023թ.

ՍնԴ/0868/04/22

17 10 23

ՀՀ ՊԵԿ

/ՀՀ, ք. Երևան, Մ. Խորենացի 3, 7/

ԱԶ Էդգար Արամայիսի Ասատրյան
/ՀՀ, ք. Երևան, Մարկվարտի 72/

ԱԶ Էդգար Արամայիսի Ասատրյանի սնանկության գործով ժամանակավոր
կառավարիչ Վահագն Դավթյան
✓ /ՀՀ, ք. Երևան, Ֆուչիկի 27/5 գրասենյակ 300/

Ուղարկվում է Հայաստանի Հանրապետության սնանկության դատարանի
ԱԶ Էդգար Արամայիսի Ասատրյանի սնանկության գործով պահանջներ
վերջնական ցուցակը հաստատելու և պարտատերերի առաջին ժողով
նշանակելու մասին 06.10.2023թ. որոշումը:

Առդիր՝ «5» թերթ:

ԴԱՏԱՎՈՐԻ ՕԳՆԱԿԱՆ՝

ՀԱՍՄԻԿ ԳԵՎՈՐԳՅԱՆ



ՈՐՈՇՈՒՄ

Հայաստանի Հանրապետության սնանկության դատարան

ԱՁ Էդգար Արամայիսի Ասատրյանի սնանկության գործով պահանջների վերջնական ցուցակը հաստատելու և պարտատերերի առաջին ժողով նշանակելու մասին

<<6>> հոկտեմբերի 2023թ.

ք. Երևան

Հայաստանի Հանրապետության սնանկության դատարանի (այսուհետ՝ նաև՝ Դատարան) դատավոր Ա. Բաբայանս, քննության առնելով ըստ դիմումի ՀՀ պետական եկամուտների կոմիտեի ընդդեմ ԱՁ Էդգար Արամայիսի Ասատրյանի՝ սնանկ ճանաչելու պահանջի մասին սնանկության գործով ԱՁ Էդգար Արամայիսի Ասատրյանի նկատմամբ ներկայացված պահանջների վերջնական ցուցակը և պարտատերերի առաջին ժողով նշանակելու հարցը

Պ Ա Ր Զ Ե Ց

1. Գործի դատավարական նախապատմությունը

Կոմիտեի ներկայացուցիչը դիմում է ներկայացրել Դատարան ընդդեմ ԱՁ Էդգար Արամայիսի Ասատրյանի՝ վերջինիս սնանկ ճանաչելու պահանջի մասին:

Դատարանի (Դատավոր՝ Ս. Խաչատրյան) 07.04.2022 թվականի որոշմամբ դիմումն ընդունվել է վարույթ:

Դատարանի (Դատավոր՝ Ս. Խաչատրյան) 14.04.2022 թվականի որոշմամբ սնանկության գործով ժամանակավոր կառավարիչ է նշանակվել Վահագն Դավթյանը:

Դատարանի (Դատավոր՝ Ս. Խաչատրյան) 20.04.2022 թվականի որոշմամբ հայտարարվել է հետախուզում թիվ ՍնԴ/0868/04/22 սնանկության գործով պարտապան ԱՁ Էդգար Արամայիսի Ասատրյանի, նրա գույքի, դրամական միջոցների, ինչպես նաև հաշվապահական և այլ փաստաթղթերի նկատմամբ:

Դատարանի (Դատավոր՝ Ս. Խաչատրյան) 22.12.2022 թվականի վճռով ԱՁ Էդգար Արամայիսի Ասատրյանը ճանաչվել է սնանկ:

Դատարանի (Դատավոր՝ Ս. Խաչատրյան) 30.12.2022 թվականի որոշմամբ սնանկության գործով կառավարիչ է նշանակվել Վահագն Դավթյանը:

Հայաստանի Հանրապետության սնանկության դատարանի դատավոր՝ Ս. Խաչատրյանի այլ դատարան տեղափոխվելու կապակցությամբ թիվ ՍնԴ/0868/Չ4/22 սնանկության գործը 23.06.2023 թվականին վերամակագրվել է նույն դատարանի դատավոր Ա. Բաբայանին և դատավորի աշխատակազմին է հանձնվել 26.06.2023 թվականին:

Դատարանի 27.06.2023թ. որոշմամբ ԱԶ Էդգար Արամայիսի Ասատրյանի սնանկության գործն ընդունվել է վարույթ:

ԱԶ Էդգար Արամայիսի Ասատրյանի սնանկության գործով կառավարիչ Արայիկ Սարգսյանը 01.09.2023թ. դատարան է ներկայացրել իր կողմից կազմված պարտատերերի պահանջների նախնական ցուցակը, այն պարտապանին և պարտատիրոջը ներկայացնելու վերաբերյալ ծանուցումը, www.azdarar.am ինտերնետային կայքում տրված հայտարարության տեղեկանքի օրինակը:

2. Միջնորդության հիմքերը, փաստարկները և պահանջը

ԱԶ Էդգար Արամայիսի Ասատրյանի սնանկության գործով կառավարիչ Արայիկ Սարգսյանը 01.09.2023թ. դատարան է ներկայացրել իր կողմից կազմված պարտատերերի պահանջների նախնական ցուցակը, այն պարտապանին և պարտատիրոջը ներկայացնելու վերաբերյալ ծանուցումը, www.azdarar.am ինտերնետային կայքում տրված հայտարարության տեղեկանքի օրինակը:

3. Դիմումի քննության համար էական նշանակություն ունեցող փաստերը

Գտնում եմ, որ սույն դիմումի քննության համար էական նշանակություն ունեն հետևյալ փաստերը.

1. Դիմող ՀՀ պետական եկամուտների կոմիտեի՝ ԱԶ Էդգար Արամայիսի Ասատրյանին սնանկ ճանաչելու պահանջի մասին դիմումը և կից ներկայացված փաստաթղթերը:

2. ՀՀ պետական եկամուտների կոմիտեի կողմից 10.01.2023թ. ներկայացված պահանջը և կից փաստաթղթերը:

3. ԱԶ Էդգար Արամայիսի Ասատրյանի սնանկության գործով կառավարիչ Արայիկ Սարգսյանի կողմից 01.09.2023թ. ներկայացված պարտատերերի պահանջների նախնական ցուցակը:

4. Դատարանի իրավական վերլուծությունը, պատճառաբանությունները և եզրահանգումները

<<Սնանկության մասին>> ՀՀ օրենքի 1- ին հոդվածի համաձայն՝ սնանկության գործերի վարումն իրականացվում է Հայաստանի Հանրապետության քաղաքացիական դատավարության օրենսգրքով և սույն օրենքով սահմանված կարգով:

<<Սնանկության մասին>> Հայաստանի Հանրապետության օրենքի 46-րդ հոդվածի 6-րդ մասի համաձայն՝ պահանջների ներկայացման համար սահմանված ժամկետից հետո՝ եռօրյա ժամկետում, պահանջների նախնական ցուցակը կառավարիչը ներկայացնում է դատարան, պարտապանին, առավել մեծ պահանջներ ունեցող 5 պարտատերերին և հրապարակում է իրավաբանական անձանց պետական գրանցման մասին տվյալներ հրապարակող մամուլում: Եթե հրապարակումից հետո՝ յոթ օրվա ընթացքում, կառավարիչը, պարտապանը և պարտատերերը նախնական ցուցակի դեմ գրավոր առարկություններ չեն ներկայացնում դատարան, ապա դատավորը եռօրյա ժամկետում առանց նիստ հրավիրելու որոշում է կայացնում պահանջների ցուցակը հաստատելու մասին (վերջնական ցուցակ):

<<Սնանկության մասին>> Հայաստանի Հանրապետության օրենքի 82-րդ հոդվածի 1-ին մասի դ/ և է/ կետերի համաձայն՝ պարտատերերի չապահովված պահանջները բավարարվում են հետևյալ հերթականությամբ՝ դ) դատական ծախսերը, է) չապահովված պարտատերերի պահանջները, (...):

Ուսումնասիրելով ԱԶ Էդգար Արամայիսի Ասատրյանի պարտատերերի պահանջների նախնական ցուցակը և դրան կից ներկայացված գրավոր ապացույցները, գտնում եմ, որ նախնական ցուցակը կառավարչի կողմից ներկայացվել է <<Սնանկության մասին>> Հայաստանի Հանրապետության օրենքի 46-րդ և 82-րդ հոդվածների դրույթներին համապատասխան: ԱԶ Էդգար Արամայիսի Ասատրյանի պարտատերերի պահանջների նախնական ցուցակի դեմ, այն www.azdarar.am ինտերնետային կայքում տրված հայտարարության հրապարակելուց հետո, պարտապանը, պարտատերը և կառավարիչը <<Սնանկության մասին>> Հայաստանի Հանրապետության օրենքի 46-րդ հոդվածի 6-րդ մասով սահմանված ժամկետում գրավոր առարկություններ չեն ներկայացրել, ուստի պահանջների վերջնական ցուցակը ենթակա է հաստատման:

Անդրադառնալով ԱԶ Էդգար Արամայիսի Ասատրյանի սնանկության գործով պարտատերերի առաջին ժողով նշանակելու հարցին՝ Դատարանը գալիս է հետևյալ եզրահանգմանը.

<<Սնանկության մասին>> Հայաստանի Հանրապետության օրենքի 19-րդ հոդվածի 1-ին մասի <<բ>> կետի համաձայն՝ պահանջների վերջնական ցուցակը հաստատելու մասին որոշմամբ նշանակում է պարտատերերի առաջին ժողովի անցկացման ժամանակը և վայրը:

Պարտատերերի առաջին ժողովը նշանակվում է պահանջների վերջնական ցուցակը հաստատելու մասին որոշումը կայացնելու օրվանից ոչ ուշ, քան 40 օրվա, և ոչ շուտ, քան 30 օրվա ընթացքում, ուստի դատարանը գտնում է, որ պարտատերերի առաջին ժողովը պետք է նշանակել 2023թ. նոյեմբերի 13-ին, ժամը 12:00-ին, սնանկության գործով կառավարչի գործունեության վայրում /ք. Երևան, Ֆուչիկի 27/5, գրանսենյակ 300/:

Առաջնորդվելով վերոգրյալ պատճառաբանությամբ և ղեկավարվելով <<Սնանկության մասին>> Հայաստանի Հանրապետության օրենքի 1-ին, 19-րդ, 20-րդ, 46-րդ և 82-րդ հոդվածներով և Հայաստանի Հանրապետության քաղաքացիական դատավարության օրենսգրքի 199-200-րդ հոդվածներով,

Ո Ր Ո Շ Ե Ց Ի

1. Հաստատել ԱԶ Էդգար Արամայիսի Ասատրյանի պահանջների վերջնական ցուցակը 06.10.2023թ. դրությամբ ըստ հետևյալ առաջնահերթության և ապահովվածության.

Հ/Հ	Պարտատեր	Պարտավորության չափը	Առաջնահերթություն
1.	ՀՀ ՊԵԿ	3.833.235 ՀՀ դրամ	<<Սնանկության մասին>> ՀՀ օրենքի 82-րդ հոդվածի 1-ին մաս, չապահովված է/ հերթ
2.	ՀՀ ՊԵԿ	200.000 ՀՀ դրամ	<<Սնանկության մասին>> ՀՀ օրենքի 82-րդ հոդվածի 1-ին մաս, չապահովված դ/ հերթ

2. ԱԶ Էդգար Արամայիսի Ասատրյանի պարտատերերի առաջին ժողովը նշանակել 2023թ. նոյեմբերի 13-ին, ժամը 12:00-ին, սնանկության գործով կառավարչի գործունեության վայրում /ք. Երևան, Ֆուչիկի 27/5, գրանսենյակ 300/:

3. Հանձնարարել կառավարչին ոչ ուշ, քան սույն որոշման ուժի մեջ մտնելու պահից հինգ օրվա ընթացքում պարտատերերի առաջին ժողովը նշանակելու մասին տեղեկությունները հրապարակել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում և փակցնել դատարանի շենքում հատուկ հատկացված տեղում:

4. Կառավաչին հանձնարարել օրենքով սահմանված ժամկետում չներկայացված պահանջները <<Սնանկության մասին>> ՀՀ օրենքով սահմանված կարգով հրապարակել և գրանցել պարտատերերի պահանջների գրանցամատյանում:

Որոշումն օրինական ուժի մեջ է մտնում հրապարակման պահից և կարող է բողոքարկվել Հայաստանի Հանրապետության վերաքննիչ քաղաքացիական դատարան օրինական ուժի մեջ մտնելու պահից՝ 15-օրյա ժամկետում:

ԴԱՏԱՎՈՐ՝



ԱՐՄԵՆ ԲԱԲԱՅԱՆ

